

ԱԶԳԱՅԻՆ ԿՕՆԳՐԵՍ ՆՆԴԻԱՍՏԱՆՈՒՄ

Նոր տոմարով դեկտեմբերի սկզբներին, անցեալ տարի կալացաւ Հնդկաստանի Բոմբէյ քաղաքում «հնդկական բնիկների կօնգրեսը», կամ այսպէս կոչւած՝ Ազգալին Կօնգրեսը։ Այդ վեցերորդ անգամն է, որ կալանում է հնդկաստանցիների Ազգալին Կօնգրեսը։ Եւրոպական մամուլը շարունակ ստանում էր նամակներ և հեռագիրներ այդ եղելութեան մասին, որի բնաւորութիւնը և նշանակութիւնը «Մուրճ»-ի ընթերցողները կարող են դատել ներկայ լուրերից, որ տպւած էր Միւնխենի «Ալցեմանշէ Յալտունգ» լրագրի ներկայ տարւոյ ՁԵ 9-ի մէջ, որպէս երեւում է, գրւած մի մարդուց, որը Հնդկաստանը անձամբ ճանաչում է։ Յօդւածի վերնագիրն է՝ Անգլիական կառավարութիւնը և Ազգալին Կօնգրեսը։

«Այս վերջին օրերը նամակներ և հեռագիրներ են ստացւում Հնդկաստանից, որոնք տեղեկացնում են վեցերորդ «հնդկական բնիկների կօնգրեսի» մասին, որը Բոմբէյում կալացաւ։ Քանի որ այդ, այսպէս կոչւած, Ազգալին Կօնգրեսը բաւականի նշանաւոր երևութ է հնդկական հանդամանքների մասին դատողութիւն տալու համար, կ'ուզենայի հաղորդել մի քանի զիտողութիւններ, որ ես անցեալ տարի առիթ ունեցաւ անելու և որոնք կը լուսարանեն այն քաղաքական շարժումը, որը Ազգալին Կօնգրեսի հիմքն է կազմում։

«1888 թ. վերջում ես Բենգալիացումն էի (Հնդկաստանի մի մասը) և աչնտեղ աչքիս ընկաւ, որ քաղաքներում, փողոցների անկիւններում, անգլիական և հնդկական լեզուներով գրւած մեծ աֆիշներով հրաւիրւում էին Ազգալին Կօնգրեսի համար, որը աչն ժամանակ, եթէ չեմ սխալւում, Ալլահաբադում պէտք է դուրսարէր։ Բնիկներից զանազան խմբեր, կանգնած նոցա առջև, տաք տաք խօսում էին, բաց ես առիթ չը գտայ Կօնգրեսի մասին տեղեկանալու։ Նրա անցեալ 1889 թւականի գարնանը Հնդկաստանի հարաւային լեռն ընկած տեղերում ճանապարհորդում էի և ամբողջ շաբաթներով ես միայն բնիկների հետ գործ ունէի, առիթ գտայ Ազգալին Կօնգրեսի մասին տեղեկութիւններ ստանալու ինձ աչ մասին տեղեկացրին աչնպիսի բաց սրտով, որ ինձ զարմացրեց, և որը ինձ ապացուցեց, թէ աչն գաղափարները, որ Ազգալին Կօնգրեսը փառաբանում է, որքան խորը թափանցել են ժողովրդի մէջ և թէ որքան հնդկաստանցիք ճանաչ են նոցա լեզափոխական բնաւորութեանը։

«Մի շատ կրթւած բրամին, որը իմ երկրաբանական ուղեորութիւնների ժամանակ մի քանի օր շարունակ ինձ ուղեկցում էր, հետաքրքրական բաներ հաղորդեց, որոնցից ես քաղում եմ հետեւեալը։—Ազգալին Կօնգրեսը բնիկ հնդկացիների միութիւն է, որի նպատակն է՝ Արեւելեան Հնդկաստանի անկախութիւնը առաջ տանել։ Ամենից առաջ պահանջում են, որ բը-

Նիկ ժողովուրդը պարլամենտական ներկայացուցչութիւն ունենալ կառավարութեան մէջ, օրինակի համար, որ մի անասկ սենատ կազմւի՝ կառավարութեան վճիռների մէջ մասնակցութիւն ունենալու իրաւունքով: Մանաւանդ պէտք է, որ բոլոր օրէնքները՝ հարկերի վերաբերեալ՝ ալդ ազգաւին պատգամաւորների ժողովից կախումն ունենան, Ներկորդ՝ պահանջում են, որ անգլիական թոշակաւոր յօրքը փոխարինւի ընդհանուր զինւորական ծառայութիւնով, որը սակայն չը պէտք է մշտական կանդուն զօրք լինի, որը երկրի տուրքերի մի մեծ մասը սպառւի, ալ կտնչւի միայն հարկաւոր եղած ժամանակ:

«Նոր հս առացի, թէ մի նաճւած երկրում ալդ պահանջները ինձ շատ լեղափոխական են թւում, բրամինը ինձ պատասխանեց. — մեզնից հետո է ալս միտքը, որ ալդ նպատակներին հասնելու համար լեղափոխական միջոցներ զործ դնենք. մենք ուզում ենք Անգլիային հաւատարիմ մնալ, բայց մենք միշտ տիրապետողների արդարամտութիւնից սպասում ենք, որ չոքա մեղ քաղաքական իրաւունքներ տան ալն մեծ Ֆինանսական ծանրութիւնների փոխարէն, որ մենք կրում ենք:

«Խնդիրը սրանումն է, թէ հնդկաստանցիք պիտի կարողանան իրանց նպատակին հասնել, թէ ոչ:

«Այստեղ պէտք է նկատել, որ Աղգալին Կոնգրեսի անդամների, ալժ, անգամ ղեկավարների մէջ գտնւում են նաև անգլիացիք, և նույն իսկ Բոմբէյում Նորբրոմս կաւցած Կոնգրեսի նախագահն էր մի անգլիացի՝ սիր Վիլլիամ Վիդգրբորն: Ուրեմն անգլիացիք չեն վախենում, որ Աղգալին Կոնգրեսը կարող է տանել դէպի Հնդկաստանի անկախութիւնը. և գուցէ Կոնգրեսին մասնակցող անգլիացիք ջանք են անում, որ Աղգալին Կոնգրեսի նպատակները պահպանեն կարելիութեան սահմանների մէջ: Պարսերը, որոնք Հիւսիսային Հնդկաստանում մեծ առևտուրի ներկայացուցիչներ են, չարժումից հետո և են կանգնած, որովհետև անգլիական կառավարութեան ներքոյ իրանց շատ լաւ են զգում: Նաև մահմեդականները, որպէս ալդ երևում է Բոմբէյի լրագիրներից, չարժման բարեկամ չեն ցուց տալիս իրանց, չը նալած որ Հնդկաստանում չոքա կազմում են ամենալեղափոխական տարրը և վերջին ապստամբութեան միջոցին ղեկավարների դեր էին կատարում:

«Թէ ինչ դիրք են բռնած դէպի խնդիրը հարաւային Հնդկաստանի մահմեդականները, — չը կարողացալ իմանալ. բայց ինձ թւաց, թէ Աղգալին Կոնգրեսը գտնում է իւր չնակէտը երկրագործ հնդիկ և թամիլ աղգաբնակութեան մէջ:

«Անգլիացոց արևելահնդկական տիրապետութիւնից առաջ, Հնդկաստանը կազմած էր իշխանութիւններից, որոնք ազգով, կրօնով և կաստաներով բաժանւած լինելով, իրար հետ եռանդով կուտւում էին և որոնց բնակիչները, իրանց իշխանների կամակալանութեան ներքոյ, շատ չարիքներ

էին կրում: Ալն ցեղաբն, որոնք աչսօր անգլիական դպիստնի ներքոյ խաղաղ կերպով իրար հետ ապրում են, բացի անգլիական կառավարութիւնից՝ չ'ունին ոչ մի ուրիշ ընդհանուր կապ. և նոյն իսկ Ազգային Կօնգրեսը, իւր հարեւնասիրական ձգտումներով, անկարող կը լինի պարօհերին, հնդիկներին, մօնգօլներին, մաւմեդականներին, խամլիներին և ուրիշ մանրը էթնօգրաֆիական ցեղերը միացնել:

«Բացի դրանից, անգլիական կառավարութիւնը շատ է ուժեղ, որպէս զի մի ազգային ապստամբութիւն կարողանայ իւր ցանկութիւնները զօրով իրազօրծել: Պէտք է շնդկաստանի մէջը ճանապարհորդած լինել. հասկանալու համար, թէ Անգլիան ալնտեղ ինչ հիւանալի ուժ է ցոյց տալիս: Իւր գործելու կարևոր միջոցները մէկը՝ երկաթուղիներն են, որոնք երեք կարգի կարելի է բաժանել. 1) երկաթուղիներ մեծ երթևեկութեան համար (որպէս Բօմբէյ—Լալկաթ—Մադրաս), 2) երկաթուղիներ, որոնք տանում են դէպի առողջական կալարանները, որպէս Գարջիինգ շիմալայում (7.200 ոտնաչափ բարձր), Սիմլա, Նիլգիրի, Նուրբիլի (8.500 ոտնաչափ) և, վերջապէս, 3) երկաթուղիների մեծագոյն մասը, որոնք, ինչպէս երևում է, չ'ինւած են գինւորական նպատակներով և որոնք տանում են դէպի որ և է մեծ բանակատեղի:

«Շեռագրական թելերի հետ միասին՝ երկաթուղիները կազմում են ամենագօրեղ միջոցը Անգլիայի համար՝ որ և է ապստամբութիւն ընդդէմ պէս խեղդելու Գոքա են կարելի դարձնում, որ ամենահեռաւոր նահանգական քաղաքներում մի կօլլեկտօր (նահանգապետ) նստի, որը առանց որ և է ղինւորական պաշտպանութեան, նահանգի, վիճակի տէրն է և ստանում է ամենամեծ տուրքերը առանց վտանգի իւր անձի համար: Նահանգում նա ամենակարող անձն է: Նշենքով լծած սպլերի վերաջ ճանապարհորդելիս ես ունէի հետս, բացի մի խոհարարից և մի թալիմանից, նաեւ մի պաշտօնեայ, որին ինձ տրւած էր կօլլեկտօրի բարեհաճութեամբ. գիւղերի տանուտէրերին նամակներ էին ուղարկւում առաջուց, չէնց որ ես մօտենում էի մի գիւղի, ինձ ղիմաւորում էին գիւղի աղսակալները, որ ոտաբռնիկ և ձեռները հողով լքցւած ինձ ողջունէին. մի տուն ինձ համար պատրաստ էր ամեն լարմարութիւններով, ինչ միայն ալդ հեռաւոր տեղերում գտնել կարելի է: Գիւղի տանուտէրը ինձ ալցելում էր երաժիշտներով և պարողներով ուղեկցած, և ամենուրեք աշխատում էին, որ ես բարեհաճ լինիմ: Մի գիւղ խնդրում էր մի թանկ (ջրամբար), մի ուրիշը՝ գիւղի ճանապարհ, և միշտ պէտք է բարեխօսէի կօլլեկտօրի մօտ, որը իբր մի աւելի բարձր էակ էր նկատւում:

«Անկարևոր չէ և ալն հանգամանքը, որ շնդկաստանի քաղաքներում առհասարակ զէնքեր չեն տեսնւում: Ոչ սուր և ոչ հրացան չէք տեսնիլ ալն տեղերում, որոնք անգլիական անմիջական իշխանութեան ներքոյ են:

«Այս պայմանների մէջ մեզ չը պիտի զարմացնի, որ հնդկական կառավարութիւնը առանց հոգիի նպում է Ազգային Կօնգրեսի վերաջ: Եթէ Ազգային Կօնգրեսը մի նպատակի հասնի, ալդ նա կարող է անել միմիայն Անգլիայի համաձայնութեամբ և ոչ սորա կամքի հակառակով: